

因為家姐係舊生嘅關係，所以日熹一出世，就已經經常跟家姐返學校參加活動，學校既老師就和我一起睇住日熹慢慢成長。

共6年嘅光景，除咗我2個小朋友成長，亦見證住學校既成長。由保守教學，轉換成現在更進取，更多元化嘅教學方式，令學生真正做到德、智、體、群、美的全人發展。

今年K2、K3既小朋友，面對從未試過既教學方式「線上學習」，對小朋友、老師、家長都係一個挑戰，既要準備網上教材，又要做視象教學，仲要嘗試新嘅交功課模式。要短時間內完成呢啲不可能嘅任務，相信老師們都用咗好多時間同心血去完成，多謝！

要借此感謝2位老師：白小燕老師，晞妍和日熹初入學時都係由你照顧，記得起初晞妍有同我講話怕你，因為你惡，但返學2個月後，佢已經好鍾意返學。而在細佬出世初期，我擔心晞妍會情緒上有影響，多得你同社工多加留意及開導，幸好佢都好錫細佬。

張老師，晞妍同日熹嘅畢業班老師，起初見學校用男老師，都覺得有點奇怪，畢竟教幼稚園多為女生。但相處落發現張老師原來係一位好細心又溫柔，又有耐性嘅老師，晞妍同日熹都好喜歡你。仲要多謝你每次跟我見面都聽我呻，由女兒升小學後既唔適應，到兩姊妹在家嘅激氣事，同你傾完都會有D啟發。

仲有旗叔叔，多謝你既安全駕駛，令我好放心將兩個孩子交俾你送返放學，兩隻小豬亦好放心地係你車上睡覺。當然仲要多謝王校長及其他同工。多謝你地6年嘅照顧同幫忙，兩個孩子才可以有一個愉快嘅幼稚園生活。轉眼，連日熹都要畢業啦，縱有萬般不捨，亦要講再見。在此祝保良局譚華正夫人幼稚園未來有更好嘅發展，校長、各老師及同工身體健康，工作順利，桃李滿門。

陳晞妍、陳日熹家長

